

Pag-abli sa Pito ka Silyo sa Pinadayag **Information Booklet A**

Dugang alang sa Leksyon 3

Diha sa pito ka silyo sa Pinadayag, sama sa pito ka iglesya ug pito ka trumpeta, gipakita kang Juan ang laraw sa kahimtang nga muhulagway sa nagsunod-sunod nga ang-ang sa Cristohanong katuigan. Pinaagi sa pagtuon sa gihatag nga latid niining mga profesiya, kita mahimong makakita kon asa kita nagbarug diha sa pagdagayday sa panahon.

Sa pag-abli sa **unang silyo** (Pinadayag 6:1,2), usa ka kabayo nga puti ang mipakita, “ug ang nagkabayo niini may pana, ug kaniya gihatag ang usa ka purongpurong, ug siya milakaw nga nagmadaugon ug aron sa pagpanaug.” Kini usa ka hulagway sa pag-uswag sa maayong balita sa unang siglo. Pinaagi sa misyunerong kadasig sa unang iglesya ang maayong balita “nga gikawali ngadto sa tanang mga binuhat” (Colosas 1:23). Ang kabayo nga puti nagpaila sa iglesya diha sa iyang orihinal nga kaputli. Ang korona, o purongpurong sa kadaugan, nagpakita sa iyang pagdaug batok sa gahum sa kaaway pinaagi sa direksyonn ug pagmando ni Cristo.

Ang **ikaduhang silyo** (Pinadayag 6:3, 4) nagpadayag sa usa ka kabayo nga pula. Niining madugo nga talan-awon, ang kalinaw gikuha gikan sa yuta, ug daghan ang namatay pinaagi sa dakung espada. Sukad sa pagsugod sa ikaduhang siglo hangtud sa balaod ni Constantino sa A.D. 313, ang Cristyanismo gitugotan sa balaod sa tibuok imperyo sa paganong Roma, ug ang mga Cristohanon gilutos sa hilabihan gayud.

Ang pag-abli sa **ikatulong silyo** (Pinadayag 6:5, 6) naghatag kanato sa talan-awon sa kahimtang sa Cristyanismo alang sa 200 ka mga tuig nga misunod sa A.D. 313. Ang kabayo, karon itom, nagpadayag nga ang iglesya nawad-an sa iyang orihinal nga kaputli. Ang iyang sumasakay naggunit ug pares sa timbangan. Ang tingog nadungog nga nagdeklara nga ang bili sa salapi diin sa milabay managsama sa sweldo sa usa ka adlaw (Mateo 20:2), karon may kantidad nalang sa ikaupat sa galon sa trigo. Daw unsa ka tugma nga ilustrasyon sa kon unsa, pinaagi sa paningkamot ni Constantino ang pagsagol niini sa paganismo, ang Cristyanismo nahimong barato. Kaniadto, ang pag deklara sa imong kaugalingon nga ikaw “Cristohanon” mahimong makapagasto kanimo sa imong kinabuhi. Karon ang pulong nawad-an na pag-ayo sa iyang bili nga matag tampalasang pagano nga maglakawlakaw sa dalan usa ka membro sa iglesya.

Ang pag-abli sa **ikaupat nga silyo** (Pinadayag 6:7, 8) nagdala sa luspada nga kabayo. Ania ang iglesya nga walay kinabuhi ug nagluspada, ang iyang relihiyon usa ka pagsagol sa kamatuoran ug sayop. Ang iyang nagkabayo niini ginganlag Kamatayon, ug ang Hades nagsunod kaniya. Kini nagrepresenta sa panahon sa Dakung Paglutos (Dark Ages) sa panahon sa pagkidlat sa tinuod nga pagkadiosnon daw hapit sa hingpit mapalong pinaagi sa taas nga kamot sa mga representante sa iglesya. “Ug kini sila gihatagan ug Kagahum aron ilang dag-on ang ikaupat ka bahin sa yuta, sa pagpamatay pinaagi sa espada, ug sa gutom, ug sa kamatay, ug pinaagi sa mapintas nga mananap sa yuta.” Ang kasamok niadtong mga adlaw hilabihan gayud nga si Jesus miingon, “Ug kon ang gidaghanon niadtong adlaw wala pa makubsi, wala untay tawong maluwas.” (Mateo 24:22).

Sa dihang ang **ikalimang silyo** giablihan (Pinadayag 6:9-11), ang mga pigura nangausbab. Ang nagdugangdugang nga kamatay sa minilyon sa katawhan sa Dios pinaagi sa mga siglo sa pagpanglutos karon gihulagway isip nanagsinggit sa makusog ngadto sa Dios nga nagtawag sa hustisya. “O Labawng Magbubuot nga Ginoo, balaan ug tinuod, unsa ba kadugay ang dili pa nimo paghukom sa mga nanagpuyo sa yuta ug pagpanimalos batok kanila tungod sa among dugo? Ang tubag gihatag nga ang mga nangamatay kinahanglan “pagpahulay una sa makadiyut.”

Ang unang limang mga silyo nagdala kanato gikan sa unang siglo ngadto sa hinunga-tunga sa 1700. Karon atong ibalhin ang atong pagtagad sa mga ilhanan sa katapusan nga dayon mupakita ubos sa pag-abli sa ikalimang silyo (Pinadayag 6:12, 13).

Ilhanan #1: Novembre 1, 1755, “Ug ania karon, miabot ang dakung linog.”

“Lagmit ang pinakainila sa tanang mga linog mao kanang naglumpag sa Lisbon niadtong Nov. 1, 1755. Adunay tulo ka dagkung mga linog (ang una mao ang pinakakusog) sa takna sa 9:40A.M, 10 A.M. ug sa kaudtohon. Ang pinakadakung pag-uyog milungtad sa unom ngadto sa pito ka mga minuto, usa ka talagsaong gidugayon. Sulod sa unom ka mga minuto dili mukulang sa 30,000 ka mga tawo ang namatay, ang tanang mga dagkung mga gambalay ug 12,000 ka mga puluy-anan ang nahugno. Kadto usa ka adlaw sa pagsimba, ug dakung pagkawala sa kinabuhi ang nahitabo diha sa mga iglesya. Usa ka kalayo ang misunod nga misunog sunod sa unom ka mga adlaw. Ang usa ka marbol nga pantalan nga kinargahan sa mga tawo diha sa tapad sa suba ang nawala paingon ngadto sa ilalum sa suba. Si Alexander von Humboldt misulti nga ang tibuok dapit nga giuyog upat ka pilo niana sa Europa.” *Encyclopedia Britannica Vol 7, p 848 (1961 ed.)*.

“Sukad kaniadto ang pinakatalan-awong linog sa unang mga panahon mao katong sa Lisbon, sa 1755. Kini matud sa uban giangkong nga giila nga mao ang pinakadakung linog nga narekord. Kon posible pa ang pagtoo sa mga taho, ang nakabati nga lugar, nga may gilapdong 700 milya radyus, mikaylap gikan sa Azores ngadto sa Italya, ug gikan sa Inglatera ngadto sa Amihanang Africa. Usa ka gigikanan sa pagkalibug diha sa mga taho niining pag-uyog, nga nakapahimo niini nga lisud sa paghukom sa kon unsa ang tinuod nga gikusgon didto sa mga lugar nga nakabati niini, mao ang midaghan nga pagkahibato sa pagtabyog sa tubig.. paglihok sa mga balud diha sa mga danawan ug sa mga linaw...

“Kini nga matang sa mga pagtabyog sa tubig naoberbahan didto sa Francya, Italya, Holland, Switzerland, ug Inglatera, ug bisan pa ang mga taho sa paglihok sa tubig miabot ngadto sa Norway ug Sweden, diha sa gilay-on nga duolan sa 1800 ka mga milya gikan sa kinagikanan sa linog. Niadtong mga nasura, bisan pa, ang pag-uyog wala gayud nabatii...

“Sa 1755, ang kadaut sa Lisbon mismo hilabihan pagkadaku. Niadtong panahona, ang cyudad adunay mga 230,000 ka mga lumulupyo, duolan sa 30,000 niini ang nangamatay, sumala sa mga konserbatibong pagbana-bana. Dakung numero sa katawhan ang anaa sa mga iglesya, tungod kay kadto Adlaw sa mga Santos, ug ang panahon mao ang unang Misa. Ang pag-uyog gisundan sa tsunami (balud sa dagat), mga 20 ka tunob ang gitasa-on ug pinaagi sa kalayo.

“Ang katalagman miuyog sa tibuok Europa, ug ang mga moralista ug maalamong mga tawo dili hinay sa paghimo ug capital gikan niini.” *About Earthquakes, p 141-142, by G.A. Eiby (New York: Harper, 1957).*

Ilhanan #2: Mayo 19, 1780, “Ug ang adlaw nahimong maitom ingog panapton nga hinimong maitom nga balhibo.”

“Sa mga alas onse sa takna ang kangitngit usa ka matang nga makakuha sa atong pagtagad, ug makahimo nato sa pagbuhat ug mga oberbasyon. Sa tunga-tunga paglabay sa alas onse, diha sa lawak nga may 3 ka mga bintana, 24 ka mga kwadrong bildo matag usa, ang tanan naabli paingon sa habagatang-silangan ug sa habagatan, ang dakung mga printa dili mabasa sa mga tawo nga may maayo ug panan-aw. Sa mga alas dose ang mga bintana nga sa gihapon inablihan, ang kandila maghatag ug anino nga hilabihan kaklaro diha sa bongbong, nga kana nga hulagway gikuha nga may kasayon sama nga kini gibuhat diha sa kagabhion. Sa mga ala una usa ka hayag sa suga nga nagpadayon “hangtud niining taknaa diha sa silangan, napalong, ug ang kangitngit hilabihan gayud kaysa bisan unsang panahona kaniadto, sa tunga-tunga sa ala una ug alas dos, ang hangin nga gikan sa kasadpan nagpapasuko sa makadali, ug ang kahayag mipakita diha nianang lawak. Nangaon kami sa may alas dos uban sa tanang bintana nga inablihan, ug duha ka nagsiga nga kandila diha sa ibabaw sa lamisa. Sa panahon sa hilabihang kadakung kangitngit pipila sa mga baho sa tambakanan sa mga hugaw ang nanimaho paingon ngadto sa ilang tugdonanan: ang mga manok mituktugaok isip tubag ngadto sa usa sama sa ilang komon nga buhaton diha sa gabii: Ang mga woodcocks, diin mga langgam sa kagabhion, mitaghoy sama sa ila lamang buhaton diha sa kangitngit: ang mga baki mipakita. Sa laktud nga pagkasulti, adunay panagway sa tunga-tunga sa gabii diha sa kaudtohon.” *The Boston Gazette and Country Journal, Mayo 29, 1780, p 4.*

“Ang katawhan dili makahimo sa pagbasa sa komon nga printa nagpaila sa takna sa adlaw pinaagi sa ilang mga orasan o mga relo makakaon o makamaniho sa ilang mga negosyo, kon walay kahayag sa mga kandila. Sa ubang mga lugar, ang kangitngit hilabihan kadaku, nga ang mga tawo dili makakita sa komon nga printa diha sa gawas, sulod sa pipila ka mga oras.” *Memoirs of the American Academy of Arts and Sciences: to the End of the Year 1783, Vol. 1, p 234-235, by Harvard professor Samuel Williams (Boston: Adams and Nourse, 1785).*

“Ang ika 19 sa Mayo, 1780, usa ka tiniman-ang mangitngit nga adlaw. Gidagkutan ang mga kandila diha sa daghang mga puluy-anan; ang mga langgam nangahilum ug nangawala, ug ang mga manok mipahulay sa ilang batuganan. Ang magbabaload sa Connecticut mipahigayon sa iyang sesyon didto sa Hartford. Usa ka kinatibuk-ang opinion ang mipatigbabaw, nga ang adlaw sa paghukom nagsingabot na. Ang Balay sa mga Representante, nga wala makahimo sa ilang negosyo, miundang. Usa ka plano sa pag-undang sa konseho anaa ubos sa konsiderasyon. Sa dihang ang opinion ni kernel [Abraham] Davenport gipangutana, siya mitubag, ‘Supak ako sa pagpa-undang. Ang adlaw sa paghukom nagsingabot na, o kini wala pa. Kon kini wala pa, nan walay rason alang sa pagpa-undang: kon kini miabot na, ako mipili nga makaplagang nagbuhat sa atong katungdanan. Tungod niini ako naghandum nga pagadalhon ang mga kandila.’” *Timothy Dwight, quoted in Connecticut Historical Collections, compiled by John Warner Barber, p 403 (2d ed.; New Haven: Durrie & Peck and J. W. Barber, 1836).*

“Kadto mao ang adlaw sa Mayo sa dugay nang tuig Desi-syete Sentos Otsyenta, nga adunay miabot sa pagbukhad ug tam-is nga kinabuhi sa Tingpamulak, Batok sa presko nga yuta ug langit sa kaudtohon, usa ka makahahadlok nga dakung kangitngit.

“Ang mga kalalakin-an nag-ampo, ug ang mga kababayan-an nanagbakho; ang tanang mga dunggan nahimong mahait Sa pagpaminaw sa katapusang-buto sa trumpeta mipusgay Sa itom nga langit, nga ang makahahadlok nga dagway ni Cristo Mahimong magtan-aw diha sa napikas nga mga panganod, dili nga siya nagtan-aw isip mahigugmaong bisita sa Bethany, apan usa ka maisog Isip Hustisya ug dili-mausab nga Balaod.

“Samtang didto sa karaang State House, mangiub daw sama sa kalag, Milingkod ang Magbabaload sa Connecticut, nga Nagkurog diha sa ilang lehislatibang sapat, ‘Kini mao ang Dakung Adlaw sa Ginoo! Mag-undang kita,’ Ang uban miingon; ug dayon, sa uban sa usa ka panagsabot, Ang tanang mga mata milingi ngadto kang Abraham Davenport. Siya mibarug, nga nagpugong sa iyang nagpirmi nga tingog Ang dili maagwanta nga kahilum. ‘Kini siguro mao Ang Adlaw sa Paghukom nga gihulat sa kalibutan; Apan kon kini mao man gani o dili mao, Akong nahibaloan lamang ang akong presente nga katungdanan, ug ang mando sa Ginoo Sa Pagpatigayon niini hangtud sa akong pagpauli. Mao nga sa dapit Diin Siya nagbutang kanako pinaagi sa Iyang Pagbantay, Ako mipili, sa usa, sa pagsugat Kaniya sa nawong ug nawong, Walay sulogoon nga walay-pagtoo ang makapahadlok kanako gikan sa akong katungdanan, Apan andam sa dihang mutawag ang Ginoo sa alanihon; Ug tungod niini, uban sa tanang pagtahud, Ako muingon, Tugoti ang Dios mubuhat sa Iyang buluhaton, atong tan-awon ang lugar sa atoa.

Dalha ang mga kandila.” *Abraham Davenport, in his Complete Poetical Works, p 260, by John Greenleaf Whittier (Cambridge ed.; Boston: Houghton, 1894).*

“Siguro pipila, pinaagi sa paghatag sa natural nga hinungdan niini, nagpasangil niini ngadto sa baga nga singaw sa hangit, maningkamot sa pagpalikay sa pwera niini isip usa ka ilhanan, apan, ang sosamang pagsupak mamakak batok sa mga linog isip mga ilhanan diin mapahayagong gisulti sa atong Ginoo isip mao. Alang sa akong bahin, ako gayud gikonsiderahan ang kangitngit isip usa sa mga katingalahan nga natagna diha sa texto; gidisenyo alang sa atong pagpahamanon, ug pasidaan.” *Discourse by eyewitness Elam Potter, delivered Mayo 28, 1780, in Enfield, Connecticut, quoted in the Advent Herald, March 13, 1844, p 46.*

[Nota: Bisan unsa nga sugyot alang sa natural nga hinungdan sa bisan unsang paagi makapabatok sa pagkamahinungdanon sa usa ka panghitabo isip usa ka katumanan sa tagna. Ang gitahud sa panahon nga pagpasabot mao nga desisyete ug tunga sa siglo sa wala pa kini mahitabo, ang Manluluwas insakto nga nagtagna niining duha ka ilhanan nga nag-ingon “Apan niadtong mga adlaw, tapos sa maong kasakitan, ang Adlaw mangitngit ug ang bulan dili na mohatag sa iyang kahayag” (Markos 13:24); ug kining mga ilhanan insakto nga nahitabo sama sa natagna na diha sa panahon nga gipaila dugay na nga panahon sa wala pa ang ilang katumanan. Dugay na nga gipunting nga kini mao ang kamatuoran, ug dili mao ang hinungdan, sa kangitngit nga mahinungdanon niini nga kalambigitan; sama usab sa kaso sa mga linog, pagpangatagak sa mga bitoon, ug uban pang mga panghitabo nga nakita isip mga ilhanan sa mga panahon. Sa dihang ang Ginoo nag-abli sa dalan alang sa Iyang katawhan pinaagi sa dagat, gibuhat Niya kini pinaagi sa “kakusog sa hangin sa silangan.” Exodo 14:21. Kini ba tungod alang niini nga rason dili kaayo milagroso? Sa maong paagi, aron sa pagpaila alang sa makahibulonganong kangitngit sa adlaw ug bulan o sa pagpangatagak sa mga bitoon isip mga panghitabo sa kinaiyahan dili makapahugaw kanila isip mga maloloy-ong ilhanan sa nagsingabot nga pagtapos sa adlaw sa kaluwasan.]

Ilhanan #3: Mayo 19, 1780, “Ug ang bulan nahimong dugo.”

“Ang ikaduha mao nga ang adlaw nahimong dugo; kini wala ako nakakita, apan, gikan sa inpormasyon, ako adunay rason nga motoo nga kini nahitabo taliwala sa alas 2 ug pagbuak sa kabuntagon sa sosamang gabii human ang adlaw nangitngit, diin gikasulti nga mipakita isip tibugol nga dugo; ug kini mas siguro, nga nianang gabhiona, sa wala pa mipakita ang bulan, mao ang usa ka ngitngit, daw magkaangay, isip mao ang adlaw, ug sa pagkatinuod muhatag sa bulan ug talagsaon nga panagway – dili sa pagpaantos kaniya sa paghatag sa iyang kahayag.” *A View of Spiritual, or Anti-typical Babylon, p 73, by Benjamin Gorton (Troy [N.Y]: the Author, 1808)*

Balita gikan sa *Providence, R.I., dated May 20, in The Pennsylvania Evening Post (Philadelphia), June 6, 1780, p 62*, diin ang migawas nga balita nagpasabot ngadto sa usa pula nga bulan sa pipila ka mga lugar sulod sa tulo ka adlaw.

Ilhanan #4: Novembre 13, 1833, “Ug ang mga bitoon sa langit nangatagak sa yuta maingon sa pagpangatagak sa mga bungang luyat sa kahoyng higira sa diha nga kosokosohon na kini sa makusog nga hangin.”

“Ang kabuntagon sa Novembre 13, 1833, giila nga halandomon pinaagi sa pagpasundayag sa usa ka talagsaong panghitabo nga gitawag ug PAGPANGSIPO SA MGA BITOON, nga lagmit mas malukpanon ug mahimayaon pa kaysa sa bisan unsang sosama niini nga ugaling narekord...

“Lagmit walay talagsaong langitnong panghitabo ang sukad nahitabo niini nga nasud, sukad sa iyang unang pagkasilyuhan, nga nakita uban sa hilabihang pagdayeg ug kalipay pinaagi sa usa ka klase sa mga mananan-aw, uban sa hilabihang katingala ug kahadlok alang sa usa ka klase...

“Ang magbabasa mahimong maghanduraw sa usa ka nagpadayong sunod-sunod sa bola nga daw sama sa kalayo, nga daw mga raketa sa kalangitan, nga naggikan sa tanang direksyon gikan sa usa ka punto sa mga langit, pipila ka mga degri sa habagatang-silangan sa kinatuktukan, ug nagsunod sa arko sa langit paingon ngadto sa kapunawpunawan... Ang mga bola, samtang sila nagbyahe paingon sa arko, kasagaraan nagbilin human kanila ug usa ka malab-as nga badlis sa kahayag, ug sa wala pa sila nawala, mibuto, og dayon-dayon miresolba sa ilang kaugalingon ngadto sa usa ka aso. Walay report o kabanha sa bisan unsang matang niini ang naobserbahan, bisan kami hikutadong naminaw...

“Ang mga kidlap sa kahayag, bisan dili kaayo kusog sama sa kilat, hilabihan ka silaw nga daw makapapukaw sa mga tawo diha sa ilang higdaanan. Usa ka bola nga mitira gikan sa direksyon sa amihanang-kasadpan, ug mibuto madyutay paingon sa amihanan sa bitoon nga Capella, nagbilin, diha mismo sa lugar sa gibuthan, ug nag-amag nga sumpaysumpay nga pinasahing kaanyag...

“Ang mga bulalakaw misugod sa pagbihag sa pagtagad pinaagi sa ilang talagsaong kasabog o kasidlak, gikan sa alas nyueve ngadto sa alas dose sa hapon, mao ang pinakamabihagon sa ilang panagway, gikan sa alas dos ngadto sa alas singko, miabot diha sa ilang kinatas-an, sa daghang mga lugar, sa mga alas kwatro, ug nagpadayon hangtud nangawala diha sa kahayag sa adlaw.” *The American Journal of Science and Arts, #25, January, 1834, p 363, 366, 386, 393, 394, article: “Observations on the Meteors of November 13th, 1833,” by Denison Olmsted.*

“Aron sa pagsabot sa paggamit sa pulong nga bubo nga may kalambigitan sa pagpangsipt sa mga bitoon kinahanglan mubalik kita ngadto sa sayo sa kabuntagon sa Nov. 13, 1833, sa dihang ang mga lumulupyo niini nga kontinente [sa Amihanang America] sa pagkatinuod miila sa usa sa pinakamasilakong natural nga mga pagpasundayag diha gipagawas sa langit sa kagabhion...Duolan sa upat ka mga oras ang langit literal nga nagdilaab... Sobra sa bilyon sa mga nangsipot nga mga bitoon ang mipakita sa tibuok Estados Unidos ug Canada lamang.” *The Telescope*, #7, May-June, 1940, p 57, article: “*The Falling of the Stars*,” by Peter M. Millman.

“Ang pagbubo mikaylap duolan sa tibuok Amihanang America, nga mipakita sa duolan nga managsamang katahum gikan sa gipanag-iya sa mga British diha sa amihanang ngadto sa mga Isla sa Kasadpang-India ug Mehico diha sa Habagatan, ug gikan sa 61 ka degri sa angulo pasilangan sa baybayon sa America, paingon ngadto sa Dagat Pacifico diha sa kasadpan. Sa kinatibuk-an sa halapad nga rehiyon, ang gidugayon halos managsama ra.” *Letters on Astronomy, Addressed to a Lady: in Which The Elements of the Science Are Familiarly Explained in Connexion With It's Literary History*, p 348-349, by Denison Olmsted (1840 ed.).

“Wala niini nga pinulungan, ni ang lapis, ang igo nga makahulagway sa pagkadaku ug pagkamahimayaon sa talan-awon... Kini mahimong maduhaduhaan, bisan unsa nga paghulagway ang nakalabaw, sa pagkainsakto ug pagkaimpresibo, kana sa karaang negro sa Virginia, nga misugilon ‘Kini makapalisang, sa pagkatinuod, sir, kini daw sama sa hinog nga mga mansanas nga nangatagak gikan sa mga kahoy, sa dihang sila uyogon alang sa sidra.’” *The New-England Magazine*, #6, Jan.-June, 1834, p 47-48, article “*The Meteoric Shower*,” by J.T. Buckingham.

“Ang lima ka tingtugnaw naihap [nagsunodsunod nga mga record sa pagsulat ug mga hulagway nga nagpangalan sa matag tuig (tingtugnaw) pinaagi sa usa ka bantugan nga panghitabo] sunod nga gipasabot ang tanan nga dili kaduhaduhaan nagpasabot ngadto sa mahimayaon nga pagpasundayag sa mga bulalakaw sa kabuntagon sa Novembre 13, 1833, nga nasaksihan sa tibuok Amihanang America ug diin insakto nga nga nagahin ngadto sa tingtugnaw nga miuyon niana sa 1833-'34. Ang tanan kanila nagrepresenta sa mga tiboong nga adunay upat ka punto, walay labot ang The-Swan, nga nagdala ug lingin nga butang nga misunod pinaagi sa linya nga dalan.

“Hulagway 1219. Kini nag-ulan ug mga bitoon. Cloud-Shields Winter Count, 1833-'34. Gitawag kini ni White-Cow-Killer nga ‘Plenty-stars winter.’

“Hulagway 1220. Ang mga bitoon miliso sa palibot. American-Horse’s Winter Count, 1833-'34. Kini nagpakita sa usa sa pinakadaku nga bitoon nga may upat ka punto isip mao ang gipaila nga butang ug daghang mga gagmayng bitoon, usab nga may upat ka punto.

“Hulagway 1221. Daghang mga bitoon ang nangatagak. The Flame’s Winter Count, 1833-'34. Ang kinaiya nagkapakita ug unom ka mga bitoon ibabaw sa kalumpingan sa bulan.

“Hulagway 1222. Ang Dakota nakasaksi sa mahimayaong pag-ulan sa mga bulalakaw; mas nangalisang. The -Swan’s Winter Count, 1833-'34.

“Gitawag kini ni Battiste ug ‘Tingtugnaw sa bagyo-sa-mga-bitoon’, ug naghatag isip kasangkapan uban sa pagpangatagak sa mga bitoon sa palibot niini. Kini gipresenta sa Hulagway 1223.” “*Picture-Writing of the American Indians.*” [U.S.] Bureau of Ethnology. Tenth Annual Report... to the Secretary of the Smithsonian Institution, 1888-'89, p. 723, by Garrick Mallery (Washington: Government Printing Office, 1893).

“Ako nakasaksi niining matahum nga talan-awon, ug nataha. Ang hangin daw napuno sa mahayag nga mga sulogoon nga nagkanaug gikan sa langit. Kadto atol sa kabuntagon sa dihang ako nakakita sa halangdong talan-awon. Ako adunay sugyot, niana nga higayon, nga basin kini mao ang mag-uuna sa umaabot nga Anak sa Tawo; ug dayon diha sa akong kahimtang sa panghunahuna ako naandam sa pagyukbo Kaniya isip akong higala ug manluluwas. Ako nakabasa nga ang ‘mga bitoon mangatagak gikan sa langit,’ ug sila nangatagak na karon.” *Life and Times of Frederick Douglass*, quoting Frederick Douglass, p. 117, Original edition 1855 (New York: Pathway Press, 1941).

Kita karon nagbarug tali sa bersikulo 13 ug 14 sa Pinadayag kapitulo 6. Ang sunod nga panghitabo nga mahitabo mao ang katapusan sa kalibutan (bersikulo 14-17).